

Broj: 12-40-6-148-154/20  
Sarajevo, 29.04.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), te člana 18. Poslovnika o radu Federalnog štaba civilne zaštite br. 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju stanja nesreće uzrokovano pojavom koronavirusa (COVID 19) na području Federacije BiH („Službene novine Federacije BiH“ broj 21/20), Federalni štab civilne zaštite, donosi

### **N A R E D B U**

1. Naređuje se obustava rada svih djelatnosti u shopping - tržnim centrima na području Federacije Bosne i Hercegovine, izuzimajući trgovine prehrambenih i higijenskih proizvoda, apoteke i veledrogerije.
2. Dozvoljava se rad trgovina na veliko i malo koje vrše promet svih vrsta proizvoda, uslužnih djelatnosti, malih obrta u smislu zakona o obrtu i srodnim djelatnostima („Službene novine Federacije BiH“, br. 35/09 i 14/11) izvan shopping - tržnih centara.
3. Subjekti iz tačke 1. i 2. obavezni su osigurati ličnu zaštitnu opremu (maske i rukavice), te ukoliko je to moguće potrebnu socijalnu distancu od najmanje 2 metra između osoba, uz poštivanje ostalih higijensko - epidemioloških mjera, te da na ulazu u objekat osiguraju sredstva za dezinfekciju ruku i obuće.
4. Naređuje se poslodavcima iz tačke 1. i 2. ove Naredbe da prije početka svakodnevnog rada izvrše temeljno čišćenje i dezinfekciju prostora. Dezinfekcija se izvodi dezinfekcijskim sredstvom koja djeluju na viruse prema uputama proizvođača.
5. Naređuje se Federalnom ministarstvu zdravstva da u saradnji sa Zavodom za javno zdravstvo Federacije BiH propiše preporuke za sprečavanje infekcija tokom rada u trgovinama, kao i obrtima iz tačke 1 i 2. ove Naredbe, tako da iste bude dostupne na web stranicama Federalnog ministarstva zdravstva i Zavoda za javno zdravstvo Federacije BiH do početka primjene ove Naredbe.
6. Za provođenje ove naredbe odgovorni su kantonalni inspeksijski organi, kantonalni, općinski/gradski štabovi civilne zaštite, Federalno ministarstvo zdravstva i Federalni zavod za javno zdravstvo.
7. Zadužuju se organi iz tačke 6. ove Naredbe da putem Federalnog operativnog centra civilne zaštite izvještavaju Federalni štab civilne zaštite o svim poduzetim mjerama na izvršavanju ove naredbe.